

武夷山志

乾隆辛未新編

武夷山志

覲光樓藏版

序

山水之樂人情所同顧或者閉  
戶不出縱覽於山經地志而託  
之卧遊無如何也獨余自三十  
歲迄今四十年中持節遍天下  
凡名山大川如滇之點蒼粵□

史序

一

之庾嶺羅浮秦之華嶽楚之衡  
山豫章之匡廬以至江鄉之鍾  
山灑皖金焦諸勝皆奉

簡書擁旌鉞以坐鎮其間或與僚佐  
相宴遊或風塵鞅掌一過弗顧  
而所尤耿耿於懷弗能釋者則

閩之武夷攷武夷之蹟最古其所稱武夷君聖姥諸事多荒誕不可信六朝時自顧野王講授其中文學以顯至宋趙清獻築吏隱亭於三曲其後楊文肅胡文定倡道於此及朱子開紫陽

書院諸大儒雲從星拱流風相繼迄元明以至於今而閩學集濂洛關之大成則皆講學此山者而山之名遂以甲於天下余以己酉庚戌再莅七閩聞山之靈秀將一蠟屐尋幽於三三六

六間而未果也曹能始名勝志而外欲得山之全志讀之則自劉道元以下十餘家板多散先其僅存者亦闕略漫漶無善本所見劉斧謝肇淛鍾惺吳拭諸人遊山記益豔慕之時高文良

官制府同年劉艾堂為觀風使及門戴巨川督學政彼此觴詠唱酬多及武夷之勝余於其暇輒擬徵聘文人才士一輯全志以標茲山勝槩亦守土者所宜有事也會奉

召開闡兩江則其志又未就今年春  
旌姪曾期方守建寧郵寄彙志  
一編則崇安邑紳董子天工所  
編輯也余披之部帙哀然而刪  
繁補缺綱舉目張序次井井不  
啻身親歷覽適董子赴銓造謁

史序

四

復述原委請序於余余既喜山  
之全勝畢備且樂董子以吏治  
聞而又具有此良史才以克成  
余向者遊既不果書又未就之  
志也獨念文良已沒而艾堂巨  
川皆老病於荒江苑屋間黃公

酒壚之歎廬陵師魯之誌不禁  
茫茫交集也序成為感慨係之  
矣豈

乾隆十八年仲春月

經筵講官太子太保文淵閣大學  
士兼吏部尚書兼管工部事務

史序

五

加四級軍功加二級溧陽史貽

直撰



序

余自弱冠登

朝凡二十餘年其間荜廋

簡命曾一授士於兩浙旋又擁節鉞  
於湖南每遇山川乍變雖舟車  
勞頓未嘗不登臨眺望酌酒賦

蔣序

詩以不窳其所歷然終以守內  
名山大川足跡未屆者無窮時  
時藁誥寢於間而閩之武夷其  
一也夫武夷之在閩殆與岱宗  
之在魯太華之在秦嵩少之  
在豫岣嶓之在荆峨岷之在蜀

天台雁宕之在浙黃山白嶽之  
在徽羅浮之在粵左匡阜  
之在西江固為一方之表鎮而  
孺山之肩目也況在趙宋之世  
恒為巨儒所托足龜山屏山晦  
菴九峰一時講學之盛不下茲

蔣序

二

洞壑湖則又不僅玉女晴川仙  
壇佛地為足供竹杖籃輿法連  
吟賞而已烏可不專輯一書以  
發揚奇勝表著佳蹟哉昔之  
為之志者自劉道元以暨王州  
魯諸公皆有纂集而此詳彼略

且多賅雅是以余嘗神想武夷  
而魯不似全編以忠卧遊蓋風  
流之歎久矣今年春香河令董  
子天工謁余道故之餘出此志  
屬序於余余披而讀之見其中  
川岩洞壑樓觀亭臺醒賢僻

佛碑記詩歌州次部居纖澗  
畢具令我不啻身親九曲登暢  
亭而涉雲洞遊精舍而雨前型  
是董子之能挾以俱耳也非其善  
承先業殫竭技討之力未克臻  
此余故樂為之言一以賀武夷

之勝槩以斯志而益彰一以慶  
董子之書成將並之而不朽且  
以為四方人士生名勝之區有  
志於纂述者勸焉

乾隆十有八年歲次癸酉嘉  
平月乙巳日

蔣序

四


賜進士第

經筵講官太子少保協辦大學

士戶部尚書世襲一等輕

車都尉加一級南沙蔣溥

書



序

自昔名山勝境必因人而傳廬  
山秀甲天下然必前有匡續後  
有朱子而後香爐五先諸峰始  
與嵩華恒霍並峙於天地間為  
藝林所紀載爭與歌咏愛慕之

孫序

一

而不能已閩之武夷亦為東南  
山水秀異之地當晦庵講學崇  
安時自闢精舍令諸從遊者誦  
習其中亦惟是山間靜遠少避  
世紛與二三子可以專意肆力  
於身心問學中非必耽玩溪山

之勝與謝公屐履同疲敝於清  
泉白石間者比也生其後者於  
昔賢琴劍棲止之區一草一木  
皆足令人流連感歎勿剪而勿  
拜況武夷九曲其境致足以移  
人宜乎閩之士大夫規撫形勢

修建亭榭於其地者遠近相接  
於是乎名勝之多土膏之厚茶  
薜竹木之清佳以及騷人遊士  
之吟咏外而道書方士及雲藍  
香梵之所寄托不可勝紀彙而  
集之裒然成帙矣舊志已四種

未為全備董生天工愆其久而  
失實也爰編集散佚合為一書  
立綱分目瞭然可見夫以董生  
之勤知其志趨所在庶幾日進  
不已師其鄉先輩之立心制行  
以自檢束昔人山經海志每搜

集奇詭徵引繁富俾觀者洞心  
駭目以為快然返之於身毫無  
裨益是非董生之志也董生兩  
任司鐸晉觀城令有聲政譜向  
嘗讀書大學從余遊知之最悉  
今抵都赴補閱志而喜其志之

可嘉也因書於是築而歸之時  
乾隆十七年仲冬月

經筵講官協辦大學士事務吏部

尚書教習庶吉士加三級合河

孫嘉淦撰



孫序

四

序

自載籍既博山經水志不下百  
餘種其最著者如名山志南  
康記郡國志臨海記廣州記  
南雍記吳地記始興記五嶽圖  
荆南圖秦州記十道志哀州

楊序

一

記九華山錄武陵記隋蜀經宣  
城圖經益州記神境記南徐州  
記廬山記湘中記續南越志  
宜都記括地圖洞天福地記莫  
不探幽索險繪異搜竒洩鴻  
濛之祕而顯諸目前誠巨觀

也獨恠武夷以削劣偉嶂  
鎮七閩而諸書見稱絕少得  
無如名山不載九華水經  
獨棄巢湖有遺慨耶及讀  
南唐張紹會仙觀銘與宋  
吳拭冲佑觀銘祝穆武夷

山記然後知賞之者大有人  
在又按漢書記武夷君以乾  
魚天文志武夷星分牛宿  
是知武夷之重更不自唐  
宋始也因思此山秀結天  
壤有宋名賢後先踵接析

疑辨惑於其間山靈固自不  
凡其不借中秋宴客二子名  
武名夷之說以驚世而駭俗  
也明矣第憲積久帙散古  
蹟雜名來者徒詫為仙窟  
神宅而不知為庶洞鷲湖

甚可憇也今年秋董子以  
候任來考延接之餘出所  
志武居相正且請予序前  
列繪畣摠志後分九曲隨  
載古今執文原委朗若着  
列夫注山者不厭詳故曰冢

曰脊曰樹曰高曰岑曰嶠曰  
別曰甌曰礮曰礪曰岷曰岵曰  
岵曰岵曰麓曰體曰礫均歸  
寔錄了無遁形然後為善  
董子之書其庶幾焉至若  
地鏡載口呼林等語其事

荒恠且類梵咒未可入冊董  
子卷內雖不盡屏釋道乃許  
略收分得無意乎管子云  
天下名山五千三百七十安得  
若如君之顯微闡幽補古人  
之缺澄陵以之移俾有心

人足不出戶而放眼十萬八  
千河。冥。肉也。是為序。  
乾隆十九年孟冬署吏部尚  
書都察院左都御史加三級  
紀錄三次清江楊錫紱撰



彙編武夷山志叙

宇宙山水之靈異每因人而著  
尼山以宣聖而得名濂洛以周  
程而衍派海內名山因人而著  
者不可勝數盖地鬻而後人傑  
亦人傑而後地益靈耳崇之有

來序

一

武夷自開闢以來天造地設其  
山之嶽崎險峻水之曲折滌洄  
若鬼斧神工莫可窺測海內山  
水之靈異于斯爲最狀自秦漢  
而降歷為方士羽客隱遁之所  
迨宋儒叠興考亭夫子倡衛東

南講學于武夷之五曲而胡楊  
游蔡諸大儒先後徃末以及文  
人詞客遊覽觴詠流風餘韻大  
為山水生色而武夷之名始甲  
於天下謂非人傑而後地益霸  
耶余巡視茲邦恒以公務倥偬不

來序

二

獲最搜奇奧檢考舊誌又皆殊  
缺簡略每以不能盡攬茲山之  
勝為憾康午秋再攝郡篆適  
崇邑董君典齋陞遷東魯觀  
城戶綠丁內艱讀禮家居慨  
然彙編山誌而遠來問叙于余

因言舊誌有四而板存其一故  
多缺略不全今彙輯四誌而合  
爲一誌刪其繁蕪補其殊缺凡  
前賢歌詠編次於名勝之後以  
便披閱其星野形勝祀典須賜  
與夫山圖古蹟名賢藝文條分

來序

三

縷析綱目備舉隸為若干卷  
茲編之作使觀者披圖閱誌如  
身歷其境盡攬勝概洵名山之  
寶筴茲邑之大觀也後進之士  
覽茲誌者搜山水之奇與追前  
哲之旁蹤□聯而起文風丕振

以鼓吹

休明贊襄

聖治地靈人傑將共丹山碧水同其  
秀麗而武夷山水之靈異殆與  
尼山濂洛文相輝映也歟董尹  
纂輯之功亦與山水同其不朽

來序

四

無余固樂觀其朱而為之叙

賜進士出身通議大夫福建分巡延  
建邵道布政使司叅政如一級  
紀錄六次年家眷弟來謙鳴聲  
吉氏書於芝城官署



序

吾閩山水之秀甲天下而武夷尤  
據閩中之最勝昔人歎為千巖  
竟秀萬壑爭流美哉河山真  
人世之希覲又謂山之奇幻百  
出即使鬼工為之亦覺勞神  
蓋自乾魚肇祀以來此山之靈

葉序

一

直踢於岱華嵩衝之刊興雲  
降雨誕秀毓賢玉簡金龍崇  
褒已久道書稱為昇真元化  
洞天記載所傳武夸君皇太  
姥王子騫十三仙人之說雖語  
涉荒遠然今之登山者矯首  
於雲際天半懸崖斷厰人跡

不到之處徃徃有仙函仙蛻僊机  
藥甌丹鼎釣竿之類厯子刼而  
不壞皆確鑿可據然則謂為仙  
靈窟宅羣真受館豈妄也哉  
若夫高人逸士卜築於茲自願  
野王劉道元而外代不之人而  
宋季楊胡朱蔡諸大儒皆嘗

葉序

二

講學於其地則茲山又不僅如  
天台鴈宕九華峨眉之雄跨一  
方已也海內士大夫之客吾閩  
者莫不期一躡丹梯領略勝  
槩歸見其都人必詢其曾從武  
夷來否而吾以生長是邦固宜  
為幽選勝坐卧其間願數年

來出疆者三則皆取道於浦城  
記憶生平所經於豫章覽匡  
廬白庶之勝於河洛望太少  
二室之高南登北固金焦北瞰  
西山居庸循岱宗之麓遇太  
行之下其於遊攬亦足以豪矣  
而武夷曾不得一造問津焉

葉序

三

吳立夫嘗云胸中無萬卷書眼  
中無天下奇山水其人未必能  
文而况近在邦域之內掉臂失  
之斯誠足令山美騰笑者耳無  
已則退而求之曷志如宗少文  
所云澄懷觀道卧以遊之庶几  
一慰素心願舊志及圖多所舛



訛則又慶然而歎董君典齋博  
雅人也居近武夷性愛山水嘗  
築留雲書屋於五曲春朝秋夕  
霽景芳晨泛舸携筇縵幽鑿  
險阮饒謝公木屐之興復有許  
掾濟勝之具煙巒雲壑全具  
胷中因就其見聞所親歷者

葉序

四

合前四志而訂正之補遺辨悞  
綱舉目張一水一石荒基廢址  
以及磨崖題壁瑶艸琪花無  
幽不探無瑣弗登繙閱之下  
恍如置我於三三六六間也其  
有功名山接跡前賢信可以  
不朽者乎他年倘假我以緣

得一至武夸將手董君此志一一  
與山川相印證願信宿留雲  
書屋作匝月之遊而後足其先  
以斯語約之董君且向山靈默訂  
焉乾隆十九年冬十一月家  
眷弟葉觀國拜序



重脩武夸坐志序

憶

先大父視學閩中歸携武夸志弋  
書載古神仙事絕奇崖穴而□  
朱板蛻骨橫錯空際□以炭畫  
后壁輒飛肉登天又載朱晦翁  
楊龜山先生講學處及詩詠甚

史序

一

富心甚蕩慕悵不弋身至其地  
□通藉復入直

綸扉□江淮諸郡數十年來蓋□  
念凡塵寤寐矣宇內名山屹峙  
五嶽外其最著春無如匡廬天  
台羅浮武夸前季予捧檄章江  
舟過廬山遙望五峰巒列□際

青螺隱隱數點適征騷駛疾頃  
刻過枕上祗識廬山□面心□  
養春久出余嘗論山水出勝不  
獨特其層巒邃壑懸崖倒景之  
奇□不必盤礴豐窿曼延數十  
里百里出勢弋止弋壑苟得高  
賢志士托跡其間埒以人董卽

與江河五岳並埒何況秀甲寰  
區膺歷代封祀爲弋朝理學駐  
足出藪如□夸出傑出於羅浮  
天台匡廬諸山出上者間攷南  
史淳熙十年文公辭使節遂以  
閣撰奉祠築堂於武夸五□大  
隱屏下弋時茗胡劉游蔡諸君

子從游講學彬彬極盛意其地  
樸古深淳迄今居斯土春皆憬  
覬有山川文物出慕家吟戶誦  
猶漸被文公出遺教而永矢勿  
誼□庚午冬予膺

簡命來守建州有橫浦發長江赴任  
假道崇安信宿□夸宮卽從羽

史序

三

士處索覽舊志板已漫漶過□  
不可卒讀私心荅有所待及辛  
未春按行屬邑特詣星村登昇  
眞觀而邑紳董君天工讀書於  
接筭峯出麓招携遊覽廣見聞  
所不逮老杜詩云始知五岳外  
別有他山尊堪移贈武夸君矣

董君爲言舊志久湮今某重脩  
將竣擬於秋抄登梓盍賜弋言  
爲叙乎夫子不文序則何能但  
以數十年中結契弋旦得身親  
其境又值好古中士相與脩輯  
遠志以爲

熙朝文獻中弋助不可謂非夸也矣

史序

四

茗夫六四三式紅橋遺脫中奇  
以暨考亭諸賢餘韻流鳳中美  
前志中叙中詳矣予又奚贅  
乾隆辛未仲冬中吉建州刺史  
史曾期撰



序

有佛乎曰有有仙乎曰有天地間無  
獨必有對有吾儒必有二氏吾儒陽  
而二氏陰陽懸象於天陰成形於地  
予覽地理書當二氏未出之前而山  
川結作凡彼家所有規模法器早已  
無弗具備後舟過韶州擬遊南華寺

何序

一

不果而舟人厯指掛榜鉢盂爐燭諸  
峰次第列峙宛然唯肖益信造物之  
奇詢諸術家其叙二氏發跡尤詳然  
稽諸歷代天文志台垣列宿中凡帝  
王聖賢文物禮噐森然昭垂獨無二  
氏物色此卑高陳而陰陽判大概可  
見矣然陽統陰月必附日而明憶予

壬子遊粵六載嚴陵吾坡張公語予  
曰昔遊羅浮阻之者多予皆弗信詎  
知荒山莽野所云故蹟毫無影响數  
日棲息荒涼幾下窮途之涕甲子秋  
予獲於榕城與

典齋董先生敦寅好 先生為予言霍  
童名勝今為豺蟒之穴與羅浮無異

何序

二

乃崇安武夷自秦迄今而溪山無恙  
者何也盖崇為宋名賢大儒鍾靈之  
處歷代講學傳道於九曲中者綿今  
繩繩巨靈効順不逢不若不僅正學  
昌熾即岩穴洞壑談玄說空亦得依  
餘光各安其所今得

典齋先生新脩武夷山志讀之益徵予

言不謬也茲志博攬正學源流獨詳  
崇人自陳代始知學而顧野王已在  
武夷講授矣宋趙清獻築吏隱亭於  
三曲熊氏築獨善堂於八曲胡氏奪  
秀亭劉氏仰高堂小隱堂皆在五曲  
迄朱文公開紫陽書院四方嚮道者  
雲集諸賢儒相繼星拱如蔡氏之詠

歸堂南山書屋游氏之水雲寮熊氏  
之洪源書院真氏與詹氏築室幔亭  
峯其最著者且與文公前後主管冲  
佑觀者共二十有四人皆當時名儒  
是終宋之世諸名賢之行藏出處皆  
名山所托重者也後乎宋者元則有  
杜清碧于平川結思學齋懷友軒授

徒講學名聞朝野時有陳霍童居武  
夷脩明朱子之學從遊者數百人稱  
石堂先生詹月厓唐白雲俱為武夷  
山長虞伯仁作太和宮記稱隱空建  
宮依文公舊遊為得地明郭青螺記  
武夷山房謂自文公五百年來繼以  
王文成李見羅為名山大川托重高

賢皆篤論也明時望重菝林者如湛  
甘泉鄒東廓唐荆川羅念庵黃石齋  
諸儒皆後先講學於武夷向使武夷  
歷代無名賢區區藉緇羽徒輩即間  
或烟爍一時亦可暫而不可久其不  
流為羅浮霍童也者幾希恭逢我  
聖朝重道崇文超軼百王康熙二十四年

御書賜朱子學達性天匾懸于五曲書院  
而一時名賢在武夷紹文公之緒者  
亦先後多蒙

御書賜匾蔡子元之曰紫陽羽翼蔡子沉  
曰學闡圖疇真子德秀曰力明正學  
雖諸賢千秋之隆遇亦名山萬載之  
休光而且春秋祀典各祠馨香諸賢

何序

五

苗裔象賢繩武後學私淑霞蔚雲蒸  
而二氏筍園茶竈較往代尤優然自  
得月附日光於今為昭從此武夷溪  
山口高厚同悠久矣然仙佛亦天地  
間之所不能無今載攷新志於二氏  
不加屏棄祇從簡畧於此見斯志恪  
守吾儒之正又達觀吾道之大夫韓

子不棄大顛朱子見五祖六祖真像  
深惜非常人為彼家奪去周子太極  
圖出於道藏朱子為之解伯陽參同  
契朱子亦與同人講明其蘊白玉蟾  
題朱子像贊雖儒者弗以易孔子曰  
道不同不相為謀孟子曰歸斯受之  
矣粵稽周官奏六代宮懸四夷之樂

亦陳於門初何損於文明化成之休  
也哉世謂天下名山多為仙佛家所  
占予竊以後世儒者未盡入山勤脩  
生平逐逐大都為出山計而還山修  
繼往開來之業者亦少概見則名山  
湮沒非二氏之咎也予喜 典齋先  
生新志與鄙意合不覺暢所欲言而

典齋家居未三載續承

偉庵先生築留雲書屋志事表彰先世  
正學脩司空祀宇重訂春秋繁露傳  
世又廣輯天人三策詮註及臺灣海  
外文章次第續斯志而出其識力才  
情大雅不羣異日著述尤不可量也  
是為序

何序

七

皆

乾隆辛未秋九月年家眷舊寅弟平  
遠何瀚拜題於白華書院



自叙

蓋聞震旦洞天三十有六吾聞得其  
二第一曰霍林洞天长溪之霍童山  
也第十六曰昇真玄化洞天吾崇之  
武夷山也武夷盡處為平川予生長  
於斯聚室族于斯於武夷竒巖秀石  
素所遊歷每覽舊志互相逕庭先

自序

一

君子偉菴公嘗有志覈寔脩輯而未  
逮余少時遵庭訓事帖括迨雍正甲  
寅先君子秉鐸螺陽又值家務倥  
惚名山勝槩弗暇考究其詳軋隆癸  
亥予忝鐸長溪之寧陽竊以為霍童  
勝境與武夷埒峰巖澗壑其異同於  
武夷者不知何若乃斯地去邑百二

餘程視武夷與吾家接壤者懸絕莫  
得公餘遠遊且聞霍童山寺久為易  
侯漂蕩勝跡湮滅豺狼所居狐兔所  
窟區又遊興因之頓消耳然披圖閱  
志初從金垂渡右折而至銅鏡何殊  
遊武夸者之從問津亭東行而抵冲  
佑觀耶中有大小童峯紫芝峯何殊

大王之雄鎮前山玉女之秀挺晴川  
耶登十二樓而瞰諸峯聖燈不時隱  
見何殊上天遊一覽而千巖拱向萬  
壑環流邪况乎支持寺中金身蓮座  
天冠寶冊何殊玉皇閣中歷代寵錫  
寶軸琅函耶嗟嗟霍童之風景已非  
何如武夷之溪山無恙耶然試問所

爲金龍玉簡猶有存焉者乎亦曰無  
有問所為琪花瓊樹猶有存焉者乎  
奕曰無有空遺化鶴於洞壁長架仙  
船於巖阿寶劍雖試于石稜鐵筴誰  
聞乎天表斷簡殘篇弗為纂集則將  
來之披圖閱志而卧遊者不久而愈  
失實乎况自紫陽夫子講學於五曲

自序

三

聖祖仁皇帝崇褒 宸翰

御書學達性天輝映名山則武夷尤不得與  
霍童等觀也余前年需次選東魯之  
觀城令讀禮家居感念 先君子未  
逮之志搜羅舊志缺者補之訛者正  
之詩古文辭採之各集釋氏道流檢  
之二藏細繪山圖以傳真摹勒賢像

以表式彙為一編付諸剞劂憶昔王  
艸堂先生脩武夷志成而重有感曰  
胡文定號武夷翁錢思復號武夷樵  
者彭元亮稱武夷聘君詹子豪江少  
微張景山蔡牧堂真西山哀叔巽劉  
學基俱築室武夷皆不能詳其何地  
朱文公與林井伯書□與向伯元書

孫季和書鞏仲至書又誌謝源墓皆  
有題武夷詩今盡失傳良可慨也夫  
以艸堂之久居山中學問宏博猶不  
能考其故址尋其詩篇則自茲以往  
舊志日殘苟弗重加詳訂將來不止  
失傳者無傳即傳者亦不能保其不  
失也幾何不與霍林洞天勝跡湮沒

令遊者退而思阻耶今武夷洞天之  
勝得

睿藻而萬古為昭而名賢逸士事蹟詩章皆  
得藉斯誌以垂不朽庶幾稍慰先  
人未逮之志也夫

峕

乾隆十有六年歲次辛未蘭月望日

自序

五

平川董天工典齋氏書於五曲  
之留雲書屋



武夷山志目錄

卷首

凡例 繪像

卷一

總志上

卷二

總志中

卷三

總志下

卷四

武夷山志

卷之首 目錄

一

星野 形勢 祀典 勅封 頒賜

九曲全圖 九曲權歌

卷五

一曲上 圖附 詩文附

卷六

一曲中 詩文附

卷七

一曲下 詩文附

卷八

二曲 圖附 詩文附

卷九

三曲 圖附 詩文附

四曲 圖附 詩文附

卷十

五曲上 圖附 詩文附

卷十一

五曲下 詩文附

卷十二

六曲 圖附 詩文附

卷十三

武夷山志

卷之首 目錄

七曲 圖附 詩文附

八曲 圖附 詩文附

卷十四

九曲 圖附 詩文附

卷十五

山北 圖附 詩文附

卷十六

名賢 理學 官守 主管

卷十七

名賢 尋勝 卜築 隱逸 節烈

卷十八

方外 仙 佛 羽流 釋子

卷十九

古蹟 雜錄 附錄 物產

卷二十

藝文 山記 遊記

卷二十一

藝文 雜記 序 賦 贊 雜著

卷二十二

藝文 騷言 古曲 七四言古

武夷山志

卷之首 目錄

三

卷二十三

藝文 五言律 七言律

卷二十四

藝文 五言絕 七言絕 六言絕 詩餘

武夷山志目錄終

武夷山志凡例

武夷山志自宋劉道元創始嗣後程嗣祖楊恒叔藍世中江仲魚樊斗山徐德望衷釋生李嘗之李磊英鄭慎菴藍勳卿王明府適菴王草堂皆有編緝今得見者惟衷釋生徐德望王適菴王草堂四種然衷釋生志板回祿王適菴志板爲倪廣文懌仲所得帶往晉江王草堂志板爲陸明府扶照携去嘉定所存者惟徐德望武夷志畧一板所載太簡茲合四志互參詳訂彙成一編敢云集山志之大成庶幾俾夷山勝蹟名賢詩文就今可見者不致闕漏云爾

武夷山志

卷之首

凡例

一

目錄爲一書綱領然其中峯巖觀院舉一遺萬茲作總志凡山川廬舍一切有名有細注見某處列爲總志上祀典寵錫名賢方外古蹟雜錄附錄物產列爲總志中九曲山北詩文序銘以及全山記序吟咏詩賦列爲總志下星羅碁布令觀者一見了然

山志志山山川經也餘皆緯也是編首星野次形勢其祀典勅封頒賜另編於前重王章也建造附載各曲其餘各以類編

巖洞或附於山峯亭閣或附於觀宇胼列齒排恐昧遠近今所附者書下一格而零星名目又散於條下庶知指

臂相聯或有新立峯名如梧峯鵬峯之類則又詳注於本條之內

舊志名勝雲構揆藻各自爲類頗費翻閱今於每曲名勝後即列以雲構凡曲中詩文即附載於下一覽而夷山勝境名人題咏殊堪賞玩惟全山詩文賦記則載藝文卷中

三三六六其名已久諸志無有指實其數者今搜訂參酌備載於形勢之內

九曲分界諸志互有參差如徐志自止止菴水光石屬二曲三杯石水樂石屬三曲之類殊爲乖謬茲以遊歷身

武夷山志

卷之首

九例

二

經復酌諸志定正盈盈一水九折分明矣又曲中諸山舊志分溪左溪右今則分溪北溪南其水自西而東此一定方位也

每曲必取其最著者爲領袖一曲首大王峯二曲玉女峯三曲小藏峯四曲大藏峯五曲隱屏峯六曲天遊峯七曲三仰峯八曲鼓子峯九曲靈峯然一曲大王之前先以冲佑五曲隱屏之前先以精舍者則又以遊歷之次第爲叙也

武夷峯巒斷續離竒有覲面之山而必須盤繞他處以達者今皆名注條下俾遊者臨岐藉爲導引庶不至如桃

源迷津也

凡志以人物爲重而山志人物必身造是山者乃可載又必各明其所以然然後位置妥帖舊志所載總曰寓賢殊無區別茲編統稱名賢而復各標其目一曰理學胡劉朱蔡講席在茲師友淵源宜歸星聚一曰官守謂嘗官閩地山中有遺跡一曰主管謂予祠冲佑觀者一曰尋勝謂曾遊山中有題咏者一曰卜築謂創亭館與住室家者一曰隱逸謂高尚其志終身不出者至於貞節關係綱常既在山中何可遺漏一曰節烈人物備矣若夫仙釋之儔同爲人物則另曰方外此遵史冊先儒林

武夷山志

卷之首

九例

三

而後釋老也

不經之談無足考信初擬削之但志山與志郡邑不同彼以考鑑得失昭垂法戒所以惟道其常此則蒐羅載籍增廣見聞何妨間及其幻故載雜錄然每條下必注明出於某非敢意爲傳會

山中題刻所當詳錄然必審定而選擇之前志所載不辨眞贗又或落其字句誤其年月且有失其姓名者是編所登皆捫崖細鈔詳加考訂各附本曲之末不確者則屏不錄如九曲石上所勒一曲二曲等字俗傳爲朱文公筆諦觀之書畫工拙不齊鐫刻新舊不一未敢妄信

濫收至於絕壁苔侵或有遺漏尙俟好奇者搜補之志必有圖例也武夷層折蜿蜒其圖最爲難繪湘江古歌云帆隨湘轉望衡九面此中變幻亦然故畫手稍失向背便非真面目矣茲延芝城許君廷錦溯洄曲水登山遍覽描寫較之前志似覺分明至于賢像仙跡宜有山林氣象方似山中人物許君尤善寫真即先賢遺像衍其墨迹而諸仙猶有冲和道氣附於卷首俾觀者展卷起敬非徒作好事觀也

舊志帝王年號以唐天寶七載爲年南唐保大爲寶大元宗李璟爲後主宋眞宗咸平爲太宗 觀名因革以南

武夷山志

卷之首

凡例

四

唐張紹會仙觀銘題爲宋之冲佑觀以宋人翁合冲佑觀詩題爲元之萬年宮 人物時代以宋王遂爲元人以元劉說道爲宋人 人物名字以詹天麟之字景仁爲名 人物世系以胡文定之子寅寧宏與從子憲皆爲猶子人物官爵以劉建康另爲一人不知爲劉忠肅珙 建造事蹟以游文清九言水雲寮爲創目游文肅酢 古人詩篇熊勿軒武夷懷晦翁七律誤爲翁植朱晦翁次公濟精舍韻五律誤爲兩絕種種謬誤茲悉從史冊譜牒行狀墓志及諸文集正之

武夷董天工典齋識

繪像目錄

賢

楊時 胡安國 胡寧 胡宏

胡憲 胡寅 劉子翬 劉勉之

朱熹 蔡元定 蔡沉 游九言

真德秀 熊禾 趙抃 王守仁

儒

楊億 劉夔 李綱 詹先野

詹天麟 杜本 董懋模 邱錫

仙

武夷山志

卷之首 繪像目錄

五

彭祖 武夷君 皇太姥 劉少公

控鶴仙人 十三仙 張垓 許碣

詹真人 孔莊葉 李良佐 李陶真

張艸衣 白玉蟾 徐熙春 鄒道人

王廣

以上繪作三十二頁



武夷山志

卷之首賢□像

六

楊文肅公

諱時字中立號龜山  
將樂人宋熙寧進士

充養有道德器早成  
諸所建白深切著明  
岑岑龜山淵源伊雒  
如星之升以表後學

真文忠公贊



武夷山志

卷之首賢繪像

七

胡文定公諱安國字康侯號武夷翁 茅堂先生諱寧字

和仲 五峯先生諱宏字仁仲謚曰明 籍溪先生諱

憲字原仲謚靖肅 致堂先生諱寅字明仲謚文忠

憶昔文定志在春秋格君化俗扶綱闡猷  
次子和仲克承家學贊述麟經以啟後覺  
季子仁仲負性蘧蘧不求祿仕乞祠家居  
從子原仲辭祿養親晦菴東萊俱列門人  
猶子明仲昂昂孤鶴忠鯁不移遷謫自若  
是為五胡千秋昭灼





武夷山志

卷之首

賢繪像

八

劉屏山先生

諱子翬字彥冲號病翁謚文靖  
崇安人宋蔭舉忠顯公幹季子

天資卓異屬意高深貫穿諸傳出入羣經  
潭溪之上吟咏怡情三字之符朱子服膺

俛伯文贊

劉白水先生

諱勉之字致中號草堂又聘君  
崇安人宋鄉貢開府公滋曾孫

遠慕伊雒近友羣賢所資者博所得者全  
門生非一仲晦居前聘君之名千載猶傳

陳思遠贊



武夷山志

卷之首

賢繪像

朱文公

諱熹字元晦又仲晦號晦菴又遯翁又滄洲病叟祖婺源十四歲遷居崇安宋紹興進士

理明義精德盛仁熟折衷羣言如

射中鵠絕學梯航斯文菽粟在慶

元初中行獨復 宋趙汝騰贊

理義密微蠶絲牛毛心胷恢廊海

濶天高豪傑之才聖賢之學景星

慶雲泰山喬岳 元吳澄贊



武夷山志

卷之首賢繪像

十

蔡西山先生

諱元定字季通謚文節崇安人宋慶元間以布衣謫道州

幼奉牧堂長事晦菴義理該貫象數深探  
俯仰無忤遠謫奚慙文節之謚非公孰堪

邱錫贊

蔡九峰先生

諱沉字仲默謚文正西山季子也

服膺父師道學有自隱耀九峰不屑就仕  
吟咏性情得于幽趣尚書是傳後學徑路



武夷山志

卷之首  
賢繪像

十一

游文清公諱九也建陽人之宋蔭舉

詆奸剔惡冰肅風清進  
德修業事君治民遠稽  
文獻近本家庭南軒高  
弟千載遺馨

|   |   |   |   |
|---|---|---|---|
| 繼 | 處 | 衍 | 經 |
| 往 | 則 | 義 | 筵 |
| 開 | 真 | 敷 | 獻 |
| 來 | 儒 | 陳 | 納 |
| 功 | 出 | 斯 | 道 |
| 垂 | 則 | 文 | 宏 |
| 勿 | 名 | 攸 | 康 |
| 替 | 世 | 繫 | 濟 |

真文忠公 諱德秀號西山本姓慎避孝宗諱改真字浦城人宋慶元進士

武夷山志 卷之首賢繪像





武夷山志

卷之首

賢繪像

熊勿軒先生

諱禾字去非又號退齋  
崇安人宋咸淳進士

祖述晦翁憲章輔氏  
雖擢巍科值宋云季  
四書標題三禮考異  
示我坦途其功傳世

邱錫贊



武夷山志

卷之首賢繪像

十四

趙清獻公

諱抃字閱道奉天人宋景祐進士

蕭望之為太傅近古社稷臣其為馮翊民  
未有聞黃霸為潁川治行第一其為丞相  
名不逮昔孰如清獻公無適不宜邦之司  
直民之父師其在官守不專於寬時出猛  
政嚴而不殘其在言責不專於直為國  
愛人掩其疵疾盖東郭順子之清孟獻  
子之賢鄭子產之政晉叔向之言公兼而有  
之不幾於全乎

蘇文忠公奉詔撰碑銘



武夷山志

卷之首

賢繪像

十五

王文成公

諱守仁初名雲字伯安號陽明餘姚人南冢宰華子也明弘治進士封新建伯

致知文宣良知孟子合而言之  
聖門嫡嗣德既云茂功復巍巍  
平窳五省戡亂扶危爰及文辭  
精深醇正不止有明金聲玉振  
今茲選集三立名編從來儒者  
惟公備焉親炙無由敬摹遺像  
赫赫如生千秋景仰

關中後學王梓敬題



武夷山志

卷之首繪像

十六

楊文公

諱億字大年浦城人宋淳化進士會脩冊府元龜

公以命世之才其位不充故天下知公之  
文而未知公之道也昔王文正公居宰府  
僅二十年未嘗見愛惡之迹天下謂之大  
雅寇萊公當國真宗有澶淵之幸而能左  
右天子如山不動却強敵保宗社天下謂  
之大忠樞密扶風馬公慷慨立朝有犯無  
隱天下謂之大直此三君子者一代之偉  
人也公與三君子深相交許情如金石則  
公之道其正可知矣 范文正公題



武夷山志

卷之首儒繪像

十七

劉夔

字道元崇安人宋祥符進士始脩夷志



博物洽聞  
吾無比倫  
□守三州  
敷政擾二  
解組歸田  
曲水漁畋  
以咏以游  
勝跡篡脩



武夷山志


卷之首  
繪儒像

十八

李忠定公

諱綱字伯紀邵武人宋政和元年及第封開國公

是為梁谿了無差別行年之化三十有  
八返觀其前膚腴色悅從是以往蒼顏  
華髮本來面目不生不滅遊戲仕途天  
付之拙順天而行一無敢設獨知其天  
寧有他訣萬里清風一輪明月有來問  
者默然無說  
梁谿自贊



武夷山志

卷之首  
儒繪像

十九

詹先野

字景舒 宋時崇安人

百家諸子歷覽靡遺名揚象  
闕不慕聲施綸巾羽扇逍遙  
自怡肆志山水廩江栖遲





武夷山志

卷之首

儒繪像

詹天麟

字

景仁

杜本

號

清碧

董懋模

字

仲達

俱元時崇安人

詹氏子麟憲幕為賓出總撫州

與清碧遊厥有仲達訂交若渴

誼結金蘭意氣同連床夜語

樂融又一龍三友傳千古萬

卷樓中德業隆





武夷山志

卷之首  
儒繪像

二十一

邱錫 字永錫 明崇安人

品峻學純文行兼優  
皇明寔錄纂脩揚休  
五典文衡人服其公  
三司教職聿啟顓蒙





武夷山志

卷之首  
仙繪像

二十二

彭祖

陶唐時人姓籛名鏗二子曰武曰夷

在昔彭祖獻堯雉羹幔亭峰  
下遯跡養生茹芝吸露顏如  
舜英厥有二子武夷得名





武夷山志

卷之首

仙繪像

二十三

武夷君  
秦時有仙人  
自稱武夷君

傳說仙人降紫雲

飄然自號武夸君

乾魚漢祀今何在

空有荒壇瑣碧雯





武夷山志

卷之首  
仙繪像

二十四

皇太姥秦時人居武夷神星之精採黃精以母餌子

聖母降凡塵呼童荷  
插頻黃精時采采飲  
此便輕身





武夷山志

卷之首  
仙繪像

二十五

劉少公 秦時人稱武夷山主嘗開是山

武夷一片石誰闢萬  
山空檢彼古靈笈當  
年有少公





武夷山志

卷之首  
仙繪像

二十六

控鶴仙人


十三仙

秦時人十三仙禱雨於龍潭授丹書  
適至懇獲甘雨獻詩贈之隨授丹書

仙人駕鶴雨隨施  
俛首狂歌  
各獻詩遣彼鳳兒歸  
檢籍丹書  
手授化凡姿



控鶴仙人名屬仁十三仙魏王子騫張湛孫綽趙元竒彭令昭  
劉景顧思遠白石生馬鳴生胡氏李氏魚道超魚道遠



武夷山志

卷之首  
仙繪像

二十七

張垓 後漢時候官人坐化大王峯其母追至呼之

屏却塵紛學鍊丹  
丹成坐化碧雲端  
回頭下顧青洲渚  
寧忍高堂抑望難





武夷山志


卷之首  
仙繪像

二十八

許碣 唐時高陽人嘗題詩於題詩巖自稱酒狂

歷遍名山到武夷  
摸崖鑿壁  
醉題詩一經  
叔夜高歌後滿  
壁龍蛇千古垂





武夷山志

卷之首  
仙繪像

二十九

詹真人 名代莫考嘗驅巨蟒于九曲雲巖

巨蟒蟠洞壑

氣吐誰能勝

怒把口筇擊

深藏不敢升





武夷山志

卷之首  
仙繪像

三十

孔莊葉唐天柱峰三得女道仙於會稽虛人洞共棲

頻  
峯頭遇太真丹訣遙從  
清府授雲虛洞裡往來



辭榮學道駐山阿宮殿  
 崔巍映碧波夜聽金  
 鐘聲寂瀝晝誦道德  
 五千多



武夷山志

卷之首  
仙繪像

李良佐  
南唐人  
 建宮殿  
 元鑄銅鐘  
 訪于殿前

三十一





武夷山志

卷之首  
仙繪像

三十二

李陶真  
宋時東京人好吹鉄笛

何人吹鉄笛佇立碧  
雲間石裂音蕭瑟衆  
仙相與還





武夷山志

卷之首  
仙繪像

三十三

張艸衣

不知名代白玉蟾謂其於止止庵化仙

清標知矯絕塵埃不慕榮  
華萬事灰箬笠蓑衣  
搯手立仙成脫骨上瑤臺





武夷山志

卷之首

繪像

三十四

白玉蟾  
宋時瓊州人字如晦本姓葛名長庚隨母適白氏因冒其姓居止菴仙去

天生異質不尋常  
遊到夷山法術良  
赤腳蓬頭餐瀝露  
白雲深處肆遨翔





武夷山志


卷之首  
仙繪像

三十五

徐熙春

宋邵人市冠遇人  
時武業酒鐵道

本是神仙骨  
臨邱垂酒帘  
弋遇鍊冠者  
餐霞羽化恬





武夷山志

卷之首  
仙繪像

三十六

鄒道人 宋時人曾為 趙清猷公錄事奉公甚謹  
學道武夷遇張仙授丹訣尸解於幔亭峯



柱史由來稱伯陽  
今茲錄事堪媿芳  
五千道德隨時讀  
不悞公餘任徜徉



武夷山志

卷之首  
仙繪像

三十七

王廣

明時崇安黃連坑人嘗辭師坐化水簾洞

勵志勤脩刻日行辭師永訣  
難為情仙成尸解人間事端  
坐水簾夜月明

原志賢像儒像各有題贊間缺一二仙像

全無工不揣固陋漫為增補叅以絕句敢

擬雕蟲聊以塞白典齋董天工識

